

**162.**

1394 August 14

***Hennel Wegener und seine Frau vermachen nach ihrem Tod ihr Haus der Marienkirche***

*fol. 23v* Wisset daz Hennel Wegener und syn eliche wirtinne vor uns komen synt und haben mit guten willin ir huws, gelegen in der Scherergasse, beschiden und gegeben nach ir beider tode zu Unser Libin Frawenkirchen, daz ire frunde ire nechsten keine recht doran habin sullen. Ouch ab sy des notdurft wurden und daz huws zu irer notdurft vorkowfen wolden, daz sol man yn gunnen. Actum XCIII crastino assumptio.

**163.**

1394 --

***Nennung von Bürgermeister und Rat.***

*fol. 24r* Acta anno domini M° CCC XCIII circa Petrus Mergenthal magistrum consulum et suos consides Conradum Holczborn, Franciscum Kirtschern, Conradum Beyrstorf, Joh(annem) Beyerstorf, Petrum Fusorum, Lutholdum de Lesnitz, Nicolaum Renspurger, Johannem Cramern, Lebolen Schribern, Petrum Storm, Petrum Korbern juracos civitatis Zwicgaw.

**164.**

1395 Februar 11

***Kele Possecke regelt ihr Erbe.***

*fol. 24r* Wisset daz vor uns komen ist in unsern vollin rat frawe Kele Possecke mit Nickel Harnasch,<sup>a)</sup> irem elichen manne, und hat da mit guten willen Petern Kempnitzer, yrem eydem, und syner husfrauwen, irer tochter, da vor uns ggebin und vorkauft, den anval und alle dy erbe und guter, dy sy von dem jungen Kaldenkuch, irer swester su//on, angestorbin und gefallen synt, dy von dem rat der stad gericht zu lehen gen, wy dy namen haben, mit allen den rechten, dy sy dor an gehabt hat, dor zu Nickel Harnasch nisch,<sup>b)</sup> egnanter ir elich man, der do vor uns geinwertig waz, syne gunst, willen und wort getan hat. Actum M° CCC° XCV feria quinta ante Valentini.

*a) nasch über die Zeile geschrieben, ersetzt durchgestrichen nisch b) wohl vergessen auszustreichen*